

兩浙金石志

兩浙金石志卷四

揚州阮元編錄

後梁崇福侯廟碑

重脩墻隍神廟兼奏進封崇福侯記

若夫冥陽共理之規人神相贊之道傳于史冊今昔同符
切以浙東地號輿區古之越國當舟車臨奏之會是江湖
衝要之津自隋末移築子墻因遷公署據卧龍之高阜雉
堞穹崇對鏡水之清波風煙爽朗緬惟深固宜叶冥扶四空
字故唐右衛將軍摠管龐君諱玉頃握圭符首臨戎政披
榛建府吐哺綏民仁施則冬日均和威肅則秋霜布令屬
墻愛戴黔庶歌謠尋而罷市興嗟餘芳不泯衆情追仰共

立巖祠鎮百雉之岡巒宰君民之禍福殿堂隆邃儀衛精嚴式脩如在之儀仰托儲靈之廢往載孽生劉氏妖起羅

平子躬稟

空三
字

睿謀恭行

空三
字

天討數年環甲兩復越墻

皆資盼蠻之功以就戡平之業特爲重增儀像嚴潔牲牢

邇來四野無塵重門罷析丁卯歲揚旌東渡巡撫軍民躬

奠椒漿目瞻靈像每暢吳風越俗共歌道泰人安昔爲兩

鎮之疆今作一家之慶遂馳牋表請降崇封所冀

空三
字

朝

恩與漢牧齊標美稱共秦巒對聳尋蒙

空五
字

天澤果賜允

俞頒崇福之嘉名昇五等之尊爵其所奉

空四
字

勅命具列

如左

勅鎮東軍墻隍神龐玉前朝名將劇郡良材頃因剖竹之

辰實有披榛之績，勅修府署，綏輯吏民，豈獨遺愛在人，抑亦垂名終古。况錢鏐任隆三鎮，功顯十臣，能求福而不回，致效靈而必應。願加懿號，以表冥符。宜旌岌業之功用，顯優隆之澤。宜賜號崇福侯，仍付所司牒至。准勅者。

噫乎！人惟神祐，神實人依。爰自始建金湯，肅陳祠宇，奠茲中壘。三百年來，雖享非馨，未登列傳。今則值子佐國，

連統藩維，啟吳越之雙封，爲東南之盟主。况遇空四金行

應籙空三，梁德克昌，道旣泰于空三，君臣澤遂，加于幽顯。

獲申奏薦，遽降空三徽章。今則象軸煥新空四，龍綸遠至。

表勲名於萬代，昭靈感於千秋。固當永荷空四，皇私長垂。

幽贊保我藩宣之地，遐清災沴之源。共泰斯民，乂安吾土。

炬矣赫矣永作輝華今當吳越雙封一王理事下仗土地
陰隲冥力護持神既助今日之光榮子亦報幽靈之煥燿
但慮炎涼改易星歲徂遷不記修崇莫源事始聊刊貞石
以示後來時大梁開平二年歲在武辰 月 啓 聖匡
運同德功臣淮南鎮海鎮東等軍節度使檢校太師守侍
中兼中書令吳越王鏐記

右碑在山陰縣卧龍山城隍廟中額題篆書崇福侯
廟之記六字徑二寸三分記文十九行行書徑八分
中列勅文六行行書徑一寸四分碑以牆爲城以武
爲戍皆避梁太祖曾祖祖父諱龐玉守越多政績旣
歿州人祀以爲神至武肅又爲表奏請封十國春秋

載天祐四年九月封鎮東軍神祠爲崇福侯從王請也碑立于開平二年歲在武辰按是年吳越改元天寶而碑仍書梁號此與杭州慈雲嶺記篇首稱梁單闕之歲相同可見錢王當日雖僭號改元而于中原正朔未嘗竟削而不用也錢辛楣少詹云龐玉之名唐書附見四世孫堅傳云嘗爲越州都督非總管又云爲領軍武衛二大將軍召爲監門大將軍不云右衛與碑小異未知孰是碑末武肅署銜云啓聖匡運同德功臣云守侍中亦五代史所不載

後梁武肅王郊臺題名

梁龍德元年歲次辛巳十一月壬午朔一日天下都元帥

吳越國王鏐建置

右題名在西湖天真寺後靈化洞石壁文四行正書
徑三寸餘十國春秋載天寶十三年建天真院于天
真山後舊名登雲臺亦云拜郊臺蓋錢王郊天之所
也按天下都元帥授於貞明三年與此合吳越國王
之封則在龍德三年而此已稱之豈紀年有誤耶

後唐化度禪院經幢

佛頂尊勝陀羅尼經序

序文不錄

佛頂尊勝陀羅尼經

經文不錄

建化度禪院寶幢記

夫真如演化以廣大慈悲濟度沙界其有達微妙之旨弘

勝善之緣盡孝思之心創清淨之業靡不廻慧炬而照燭
乘法力以津梁超彼龍天證菩提之因果竊以自恭遵
詔命虔稟 遺言承制兩浙口馭藩閫事有益於顯晦功
有合於禎休皆許口口鼎新用光 積慶昨以西興城壘
之內曩歲會別置狴牢雖宰斷至明固無枉濫而糜縶稍
滯或有淪亡念茲綿歷重泉何由解脫於是變圓扉而崇
梵宇開紺殿而立睟容仍建寶幢鎮茲土地磨礱翠琰刊
般若之文輝煥禪扃集庀洪之福所有前後幽暗魂識一
一咸冀在生然願以此功德資薦

皇考武肅王昇七覺之法身耀千光之瑞相其次保安壇
境兵火無虞以子以孫永永蕃盛長興四年癸巳三月二

十六日

起復吳越四面都統鎮海鎮東等軍節度使檢校太師守
中書令錢元瓘記

都勾當廂虞候姚敬思 上隨身十將口口

右幢在蕭山縣西興鎮明化寺石高三尺二寸八面
周廣四尺一寸六分前七面九行後一面十一行俱
正書字徑五分按化度禪院今改明化寺在西興鎮
後卽古之西陵城也輿地紀勝云錢王以西陵非吉
語改曰西興其地屢爲武肅屯兵曾置狴牢以繫叛
衆迨後文穆嗣位始爲改建禪院此二事十國春秋
皆不載是吳氏未見此幢矣幢後題名都勾當廂虞

候姚敬思已見皮光業武肅王廟碑蓋彼時營造皆
令監工故稱都勾當也

吳越僧統慧因普光大師塔銘

吳越國故僧統慧因普光大師塔銘

并序

鎮海軍節度掌書記徐

下缺

沙門

蓋聞道宏
大覺教演
三乘福濟
羣生化周
界法
彌之廣
河包巨海
之波元微
設喻於
心印紹隆
大教化有
陰于車
裳鼎族或
降生于帝
子王孫
會三之理
其來也隨
機
歸真
有知
身相妙果
菩提去住
無常古今
一體

大師俗姓錢氏法號令因卽今天下都元帥吳越國王第
十九子也宿根淨業降慶王門□卞玉於庭中耀□珠于
掌上稟訓而□通六籍操心而暗達三明晨昏每□於□
□□□□□於友愛爰□幼歲便斷葷辛及爾韶年遍□
惠悟不觀戲翫猷服綺紈□思□□之榮□□真如之理
我王方興正教大轉法輪遂捨□□得依釋氏□□而期
登妙覺修真而不□□城於是年始十三於梁乾化三年
四月十日申請住持安國羅漢寺以釋迦降聖之日對佛
披剃脫紫綬□章之□□□□□三□□之衣雖云學藝從師
實乃天生智慧梁朝以我王匡守宗社康濟生民日盛桓
文勲高典冊能捨□門□□□□□大□□□□師於□

以遍披內典兼著文章所見一□□通□□五□俱下而
又□□□□□□宏述作悉體於風騷詞藻皆精於雅
麗□金□譽可並芳猷刻燭成詩□□敏速二年我王□
□上□廣□僧□既啟號□□師主領加法戒都監選練
大德三年我王以釋迦真身寶塔□在□江特建蓮宮精
崇鴈塔聲以□□□爰增百寶之莊嚴□□□都城永
與軍民□□□茲勝事無出於□□兼授真身寶塔寺主
莫不愈精經論兼潔香光匡□教門紀綱法律悟道而非
求五□□□而益勵三堅梵□傾□□□仰六年加授
兩浙僧統龍德三年我王累功積德冠古超今大國褒崇
四方推戴祇膺簡冊肇啟王圖文武緇□□□□□□

真經端恭合掌□微一卷乃命鳴鐘令具奉聞□以此夜
三更便□圓寂□□□真身寶塔寺享年二十有四君
父號慟棠棣哀傷風悲而佛日沉光煙慘而慈雲□色兩
都僧道痛咽酸辛我王唯□香花疊修勝善□資妙果益
證□通仍命遷□□□卜營窀穸遂於錦里功臣山南面
峯巒營建塔院以其年十二月九日歸窆于塔□□□命
□小師省緣省善省□省勤省貞省□省□省超省□省
希等十人焚修任持大師幼離慈愛不戀榮華洞曉大乘
了傳佛性□□方而示□□萬念以□□□□雙修□無
□□所以不久□世者□□□果成□人天□□□赴□
華演隆法教垂梵天之景福廕家國之延齡□□職忝詞

後晉冷求等開路記

天福四年己亥歲五月二十五日開此路上山作基址暨造觀音殿宇都勾當興國中直都隊將冷求都軍頭李安記

右刻在下天竺山摩崖文六行正書徑一寸釋氏紀錄云天福己亥僧道翊於山間見光華往視之得奇香木命良工刻成觀世音菩薩像錢王常夢白衣人求葺其居遂建天竺觀音看經院又十國春秋文穆王世家載天福四年僧道翊得奇木于前澗斲爲觀世音法身王命建天竺道場據二書所載天竺之奉觀音始于五代此記卽興建時開路作也

後晉錢文穆王神道碑

大晉故天下兵馬都元帥守尚書令

吳越國王謚文穆錢

公神道碑并序

推忠興運致理

功臣銀青光祿大夫守

尚書右

僕射兼

中書侍郎

同中書門下

平章事上柱國汝南縣開國子

食邑五百戶實封一百戶臣和凝奉敕撰

宣賜碑

文兼書碑使朝請大夫守司農寺卿上柱國臣

權令詢奉敕書兼篆額

嗟喻化北溟而歸南溟者豈藩籬之羽翼行

西海而遊東

海者非池沼之鬻鱗大鵬搏扶文鯨迅疾

一息萬里

壯哉

偉哉所以二華截靈河不無擊者六鼉負仙島亦有釣人

豈殊乎傑出一時雄誇千古開桓文之列國龔吳越之真
王況牽牛婺女之奧區允常壽蔘之故地犀渠鶴膝俗尙
雄豪煮海鎔山人多富庶有九谿六谷之廣通三江四瀆

之饒非間世英奇豈能開創丕構非承家賢哲豈能光大
勲門尊長累朝綿聯數世今見吳越國矣武肅王以雄傑

之姿居喪亂之代拂衣雲壑礪劍煙巖立勤勞於六十年

間拓封疆於三千里外名光華夏誓著山河富四境多虞
卽主盟而稱霸及中原甫定卽述職以來庭履行功庸富
貴壽考已載於世家矣王爰居長德早已嗣承益昌家國

之基復積子孫之慶方緊夾輔忽罹淪亡巨嶽其頽上天
不憚英靈謝世德澤在人爰有嗣王克光前烈陳元方序

先君之笑胡伯始稱

乃父之清乞

書無愧之碑願列不刊

之史皇帝孝治寰海仁守寶圖終覽奏章

備明哀懇恩殊

常品寵異羣藩爰詔輔臣俾光先正敘曰錢氏之系按氏

族廣類風俗通曰周

禮有錢

府上士之官其後氏焉漢史

有錢讓晉史有錢鳳宋史有錢樂之陳史有錢導最前朝

有配

饗功臣巢公錢九隴

近則有翰林學士右丞錢起尤

前映後皆見信書列派分枝咸爲著姓曾祖宙累贈太尉

尊道貴德應運

適時韞陸瑁之

義風包王常之忠節

德星

聚處早光陳寔之門仙鶴去時已云孫鍾之貴祖寬

累贈

太師澡身浴德著信立誠

幼則比其雙珠長則方於三虎

簪纓劍佩生參臺省之資簠簋鉶登

歿享王公

之祭考諱

繆天下 兵馬都元帥 尙父吳越國王 諡 武肅七耀祥 光五

行秀氣躬嘗墜於九日夢曾到於八 天項籍暗鳴人皆披

靡甘寧 警欬敵已悚惶頃者上德崩離乾綱弛紊當戎馬

生郊之後乃龍蛇起 陸之時於 是金壁延才英賢畢附 豆

觴撫士勇毅爭歸 纔思倚柱之誥尋 應懸刀之夢苦身焦

思沐雨櫛風戰 波浪 以拓城隍滅烟塵 而靜邊鄙神資福

地民詠樂郊 所以翼子貽孫永使尊周佐漢王卽武肅之

第七子也諱元瓘字文寶 杭州安國 縣人龍章鳳姿 金相

玉振五色 露迴推溫潤九天霞 別是輝鮮象弭弦開 射雲

鴻而中鎬金壺 墨湧書巖石以成 文智 自神傳才 由天縱

馬鄭將 於學校早洞禮經孫吳未演於韜鈴已明兵法

薩孤延之沈勇電燕虬鬚豆盧績之至誠泉生馬足三時

不害六府孔脩理民則簡靜居懷恤物則仁慈在念銅斗

鐵尺俾列肆以均平魚網免置試小民之遊墜五稼則分

岐合穗萬民則棄戟捐矛每行阜蓋之春復繼緇衣之美

王起家為鹽鐵發運巡官奏授尚書金部郎中賜紫金魚

袋尋以偏裨許再思徐綰等狠心素野鼠首無但忽構狂

謀私邀外寇田頴言唯樂禍志欲朋姦遽興烏合之徒將

逞鷄連之勢及聊外賞犒即請敘姻親苟家共譽於慈明

緡氏果求其逸少遂請行而赴選用繼好以恤人雖駐危

卯益宏善道俟銷釁隙尋却歸寧王既自孝以移忠宜經

文而緯武承制改其端揆授以親軍左旋右抽每加訓整

先偏後伍益顯機謀句摧貔虎之師遂展鷹鷂之勢於是
簡吳都組練破處郡妖狂狂狃纔禡於軍牙露布已懸其

賊百其後邊烽忽舉鄰寇相侵六奇

先視於贏師三鼓俄

觀於酣戰纒交

鋒鏑大廓氛羅陸征則活擒李壽水關則

兼誅馮信係俘囚而塞路收器甲以齊山邇後欲率鄰藩
同修職貢知不從於藥石遂再動於征發王躬領舟師歷

其敵境威生

雲霧

光奪雪霜

熊羆盡布於江心驍勁旌飛

於天面火

鎔鐵斷共仗奇謀箭壓舟平咸推敏智鯨噴駭

浪龍吼驚濤擒賊將以尋誅獲戰船而猶在因茲大捷永

絕相侵備奏豐功詠真茂

賞自此會無虛歲繼受明恩總

青旌元纛之權兼黃閣紫垣之秩

匡時濟代福國庇民

父事君唯忠唯孝尚文武

肅王疾生六氣

奠應兩楹欲嘗

藥以無徵幾絕藥而過要將資冥福爰構

嚴祠修道宮於

割錦之坊創佛寺於布金之地

紅樓紺殿豈殊七寶之金

玉磬瓊樓

不讓

五雲之境尋以恭承治

命退國稱藩俯順

羣情割哀視事連

營受賜此屋知恩給親族以優豐待友

于而敦睦

拱極之誠益至勤王之節不渝洎大晉開基

中

靡無事績整梯航之禮益傾儼石之心推戴

既堅旌酌亦

至封吳越國王授天下兵馬都元帥

又授尚書令金印玉

冊蔽裳

並復世官可明朝獎九重城內解寶帶以頒宜十

二閑

中選名駒而錫賚天福六年王以弟

兄歸任絲竹張

筵因杼嘉篇久吟警句別淚已多紅蠟淚離筵須滿

絲荷

孟詩

罷酒闌

情傷

疾作其後融風忽扇烈焰俄烘駭愕既

多虛羸遂甚上池之藥無效聚窟之香不神

至八月

二十

有四日薨

於瑤臺

之正寢享年五十有五卽以

七年二月

己卯朔十九日癸酉備鹵薄葬於國城之南原禮也

先皇

帝初聞

訃奏倍極悲傷久輟視朝厚頒祭禮王娶扶

風馬

氏故雄武軍節度使同平

章事純之女也賢明無對

令淑

罕儔翫圖史之華著組紉之妙如賓合禮迨下符詩方繫

內助之功忽動早凋

之難手奉魯字旣叶嘉祥鵬遠矣門

復彰吉夢先二年薨有子十三人

嗣王

弘佐粹和

正氣嚴

重英姿鶴

鸞著

瑞世之文驥子騁晚雲之步無益之事畧

不經心非法之言未嘗出口咸推宿習共仰老成服周孔

之楷模繼會顏之士行實興門之良允乃構厦之全材自

罹禍凶共傷羸瘵楚弃疾正當拜處早顯神符孫仲謀未

是哭時須從衆議尋知國事經稟朝恩行慶賜以洽人心

省科徭而求民瘼而况郭汾陽之將佐皆是公侯蕭丞相

之宗親咸從軍旅同心叶力送往事居市無易肆之諡戶

有不扁之詠朝廷嘉其嗣襲略渥恩便封列士之王用

獎克家之子制授弘佐起復鎮軍大將軍左金吾衛上將

軍員外置同正員檢校太師兼中書令鎮海鎮東等軍節

度浙江東西等道管內觀察處置兼兩浙鹽鐵制置發運

營田等使杭州越州大都督上柱國吳越國王食邑一萬

戶食實封一千戶仍賜保邦宣化忠正功臣次年又加食

邑七千戶食實封三千戶仍改賜保邦宣化忠正翊戴功

臣長子弘撰温州靜海軍使先一年卒次日弘偁東府安

撫都指揮使次日弘偁弓馬諸軍都指揮使次日弘傳先

立爲吳越世子先一年薨次日弘倬衙內諸軍副都指揮

使檢校司徒次日弘倬衙內諸軍左都知兵馬使檢校司

空次日弘倬衙內諸軍右都知兵馬使檢校司空次日弘

億衙內諸軍左右馬步都虞侯檢校左日弘倬倬日

仰弘儼並檢校禮部尚書瑤山並秀珠樹相輝學禮言詩

咸聞博瞻瞻彎弧擊劍盡富韜鈴姜被同歡田荆永茂次日

弘信爲國披緇法號元悟捨王公之娛樂就法字之清幽

湯休尚著於文章支遁猶憐於駸逸有女四人三人各有

校田一人早棲禪字王惠洽三吳威加百越近則同趙佗

士燮遠則方勾賊闔廬服太叔之九言師宣尼之四教十朝獎重三紀光華擇吉日以宣恩選名臣而將命癸巳歲

命將

作監李鍇爲起復使戶部侍郎張文寶吏部郎中張

絢爲守中書令使甲午歲命給事中張延兵部員外郎馬義爲冊封吳王使乙未歲命右常侍孔昭序駕部員外郎

張壽

爲冊封越王使丙申歲命禮部尙書兼太常卿李懌

戶部郎

中姚暹致爲越王

金印使戊戌歲命禮部尙書兼

太常卿程遜兵部員外郎章稅充吳越國王官告使己亥歲命尙書右丞石延司門郎中張守素充吳越國王冊禮使庚子歲命刑部尙書李懌膳部郎中薛鈞充天下兵馬

元帥官

告使辛丑歲命

右諫

議大夫

高延賞兵部郎中李

元龜充天下兵馬都元帥并尚書令官告使壬寅歲命太

子賓客聶延

祚

吏部郎中盧撰

爲

尚書令冊禮使議者以

王三端迥著五福俱全且夫體物緣情才思逸於盧駱象

形會意筆法

繼於歐虞

補

芸閣之舊編

著錦樓之新集

六

角扇羲之讓美五朶雲韋陟慙工褒之者入雲霄挫之者

墜泥滓孰不避王之筆端乎勇可抉門力能扛鼎燧象燧

牛之知屢有成功添竈減竈之謀累聞被敵射穿蹲甲彈

落翔禽著白袍

黑稍

之威

受旅

矢彤弓之錫陸斷犀兕水

斬蛟螭孰不避王之劍端乎智周物表言合機先能悅豫

以使人善撫循而感物剛柔有節

語默

中規通白虎之羣

書繼碧鷄之秀辨孰不避王之舌端乎爰自妙齡至於壯齒聳風姿而岳立蘊器度以川流凡有位以必昇至無官

而可授天下之馨香已播人間之榮樂實多雖未及鮐背

鷄膚亦已有霜髯雪鬢豈不曰壽乎鎮千乘之邦食萬鍾

之祿明珠大貝輻湊一方霧縠冰紈雲屯百帑龍猛之金

山頗小齊奴之錦帳未多採聲妓於娃宮合絲篁於綺閣

豈不曰富平骨秀神清凝脂點漆飲五斗而未醉食方丈

而無餘鄙西蜀之相如常縈消渴笑南朝之沈約每苦清

羸朗韻如鐘豐肌若瓠豈不曰康寧乎於家孝弟事國忠

貞薄於已而厚於人訥於言而敏於行放麕隱鹿每積陰

功恤寡矜孤常施厚惠豈不曰攸好德乎疾疹雖加襟懷

不撓

如浮

雲之易散念急景之難停啓手足而保全傳箕

裘而得所豈不曰考終命乎有是衆美夫何恨焉臣素乏

口才仍

踈

腹藁方愧弼諧之績又虧紀述之能

仰奉

絲綸

俾銘琬琰辭讓不獲漏畧斯多雖文過江南不及韓陵之

石而恩深浙右必同峴嶺之碑仰副聖慈謹爲銘曰

雲起龍驤化爲侯王鴻鸞鳳翥立鴈揚瀛然勁氣

卓爾

雄鋌大名之後五世其昌武肅開基奄有吳越恩洽百城

名

馳雙闕旣委招懷復專征伐燾土苴茅秉旄仗鉞尙父

弃代元帥承家傳榮襲慶奕葉重葩有典有則去甚去奢

威名烜赫事望光華譚藪縱橫詞泉浩渺曹植思遲崔儵

書少月夕花朝猿巖鴈沼筆落彩牋風清綠篠神傳射訣

天富兵鈴龜文月角燕頰虬髯威能伏獸名可愈疴撫衆
以惠待士持謙事必有恒政皆求理扶弱遏強先人後己
但見偃風莫聞狎水阜康蒸黎廓清邊鄙量陂素廣德岳
彌高禮延耆舊令肅權豪庭趨忠烈府集英髦講論韜畧

獎勸勲勞自再稱藩益勤述職虔布

詔條

動遵楷式每陳

貢輸常踰萬億表率方隅匡扶社稷

功庸

罕對渥澤無倫

禮優伯舅位極人臣鎔金鏤玉龜紐龍綸永言當代莫繼
芳塵禁暴戢兵取威定霸方賴控臨忽聞薨謝雲慘長空

星沈永夜

號

慟軍民

涕泗

華夏初聞訃奏尋輟視朝深嗟

且爽不及松喬倍加贈

秘

久罷簫韶君臣分至水陸程遙

間傑淪亡英賢繼襲擗踴悲摧無所迫及益務撫循加之

周給人情既安兵威自戢一方肅靜三世輝榮朝宗事大

誓志

傾城

欲光家世上奏聖明願書貞石

用顯聲

名金玉

令人鼓旗良帥德盛功崇文經

武緯

述之無窮言之無愧

庶幾乎千秋萬歲人見之而墮淚

天福八年歲次癸卯四月戊

申

朔二十日

丁卯建

右碑在西湖妙因山錢文穆墓道前文五十二行行

書徑寸前題大晉天下兵馬都元帥守尚書令一行

字徑三寸碑文前半已泐後半雖有可讀之處然闕

字甚多今以錢氏宗譜所載全文作小字補書於旁

吳任臣於此碑但采銘詞亦因其文磨滅故不及也

錢辛楣少詹云碑文備列中朝奉使之臣以十國春

秋校之頗多牴牾碑稱戶部侍郎張文寶吏部郎中
張絢爲守中書令使十國春秋則以絢爲封吳王使
文寶爲宣諭使碑稱甲午歲給事中張延兵部員外
郎馬義爲冊封吳王使乙未歲右常侍孔昭序駕部
員外郎張口爲冊封越王使十國春秋則以孔昭序
等奉使在甲午正月張延碑無等奉使在甲午六
月俱稱冊吳越王碑稱刑部尙書李懌膳部郎中薛
鈞充天下兵馬元帥官告使十國春秋則誤以薛爲
崔以膳部爲禮部皆當以碑爲正惟碑書冊使年月
較十國春秋率後一年或數年蓋一書奉命之時一
書至杭之日故有不同也碑稱忠獻王起復鎮軍大

將軍十國春秋作鎮國大將軍亦誤

後晉虎跑寺經幢

大佛頂陁羅尼

經文不錄

行闕

上柱國思憲遷窆於此國恩以大師口口功深道

業彌著特造院宇將欲建石塔以光不朽爰准教文非果
位卽無立浮圖之理乃議樹石幢聖旨允繇是鑄大佛
頂陁羅尼大隨求神咒屹標翠琰遍列金文作佳城之福
田與世人之恭口或諷讀或頂瞻勝利長存果報無極時
天福八年歲在下泐奉立闕捨錢重立

右幢在虎跑寺門前石高三尺二寸五分八面周廣
七尺二寸每面正書十九行字徑四分第八面經文

後刻幢記六行行書徑一寸天福八年爲忠獻王嗣位之第三年記文前後皆有鐫去字蹟當是吳越納土後所爲也

後晉石屋洞造象題名

後晉弟子陳及奉爲自身造一軀永充供養開運二年三

月日鐫

行書四行二十三字
高三寸六分廣二寸六分

此刻有紀元故列于首

天龍軍副將潘彥并妻陳十二娘共造羅漢二軀永充供

養甲辰記

正書四行二十六字
高三寸廣二寸

弟子何承渥造羅漢貳軀爲報父母恩永充供養甲辰十

月十日

正書五行二十五字高二寸五分廣三寸五分

弟子金君德爲自身造一軀記女弟子孫十娘造一軀甲

辰記

正書四行二十四字高二寸八分廣二寸四分中界一線分爲二題

弟子汪仁勝造羅漢一軀報答父母恩永充供養甲辰記
正書四行二十二字高二寸五分廣二寸二分

弟子朱口榮爲保自身造羅漢一軀永充供養甲辰
正書四行二十字高二寸餘廣二寸

弟子潘保成伏伏誤字爲家眷造一軀永充供養甲辰記
正書四行十九字高二寸五分廣二寸

弟子顧君勝伏爲保安造一軀永充供養甲辰
正書四行一十八字高二寸五分廣二寸

弟子徐綽爲自身造永充供養甲辰記
正書四行一十五字高二寸七分廣

十

弟子徐安爲亡妣翁八娘造永充供養甲辰記

正書四行一十八字

高二寸餘廣一寸九分

女弟子李七娘爲自身造羅漢一軀永充供養甲辰記

正書

四行二十一字高二寸四分廣一寸八分

女弟子符二娘伏爲自身造一軀甲辰

正書三行一十五字高二寸六分廣

二寸

女弟子羅三十四娘爲自身造甲辰

正書三行一十四字高二寸五分廣一寸

五分自天龍軍副將潘彥以下十二人皆書甲辰按甲辰爲開運元年故附二年之後

伏爲自身并家眷等造羅漢一身永充供養乙巳三月弟

子郭合威記

正書五行二十七字高二寸八分廣三寸

弟子傅可詢保安家眷乙巳三月十五日

正書三行一十六字高二寸八

年五月三日

正書五行二十七字高三寸餘廣四寸餘

後周

當院僧願昭謹捨衣裳鑄慶友尊者伏爲亡考俞四郎口

妣張一娘資薦生方超昇淨域永充供養時癸丑歲仲春

月九日題永爲不朽耳

行書八行五十二字高四寸五分廣七寸按癸丑爲周廣順三年

故列此

弟子夏保威謹蠲淨財造羅漢口軀伏爲追助先考十一

郎兼口在生口口疾患之時發心鑄造口口不負前願刊

石口口口容所冀說此口口因超口口口口保威身躬寧謐

運用亨通丙辰口口口月二日記僧愿口命書

正書八行八十四字

泐十餘字高五寸餘廣五寸六分

按丙辰爲周顯德三年

客省承

承字

旨朝散大夫守衛州刺史張萬進奉宣差押元

師

師字

大王官告國信經歷到院觀聖跡羅漢發心鑄一尊

爲父母小男永壽保安身位闔家眷屬福壽延長顯德六

年十一月日永爲不朽

正書七行七十三字高五寸七分廣四寸五分

閣門承旨梁文謹奉宣差押元師大王官告國信經歷到

院觀五百羅漢發心捨淨財鑄造一尊爲亡父母小女子

七娘永充

充字

供養永爲不朽之耳

耳上似脫一字

顯德六年十二

月日永記

正書七行六十六字年月可考無年月者附錄于後

上二刻同時

以上有

弟子金馬都副將戴彥并妻沈一娘同發心造羅漢一軀

永充供養耳

分

正書四行二十七字高四寸四分廣二寸五分

中直都上押口

疑將字

胡曹并妻楊七娘造一身供養

正書四行

一十八字高三寸五分廣二寸五分

弟子江廷濟并母親王十一娘妻夏六娘因發心敬造往

世

闕四

軀永充

缺四

歲

缺四

題記

闕四

因

闕四

之果

正書

九行

可錄者三十二字高三寸四分廣五寸四分

弟子喻承慶保安身位造一軀永充供養

左行正書四行一十六字高二寸

寸五分廣二寸

弟子喻仁口保安身位造一軀永充供養

行書四字一十六字高二寸廣

二寸二分

弟子沈沂沈河伏爲保安身位造二軀永充供養

行書四行一十

九字高二寸五分廣二寸一分

弟子郭延賓造口奉爲四恩三友

誤

一切含靈口口共禮

彌隨□□□□

正書五行可錄者二十字高二寸四分廣一寸八分

弟子張仁裕伏爲家眷保安造一軀永充供養

正書四行一十八字

高二寸三分廣一寸八分

弟子金匡藝伏爲保安身位永充供養

正書四行一十五字高一寸九分廣

一寸七分

弟子沈垵爲母親造羅漢一身永充供養記

正書三行一十七字高三寸四分廣二寸

弟子翁松爲亡妣王二娘工造羅漢一軀永充供養

正書四行

二十字高二寸廣一寸八分

弟子凌途伏爲保安造永充供養

正書三行一十三字高二寸八分廣二寸七分

弟子宋達造一軀爲自身永充供養

正書三行一十四字高三寸廣二寸

弟子申德全爲亡考二郎造永充供養

正書三行一十五字高三寸廣二寸

弟子張福爲自身造永充供養

正書三行一十二字高二寸三分廣一寸八分

弟子羅景滔保安身位造一軀永充

正書三行一十四字落供養字高二寸七分

分廣一寸七分

弟子王

求半求字全

并妻徐三娘共造二軀供養

正書三行一十五字高三寸

寸廣二寸

尼思從伏爲保安身位造一軀永充供養

正書三行一十六字高二寸八分

分廣二寸 以上十八人無年月書體多同前故附五季之末

宋

女弟子阮四娘伏爲自身敬捨淨財鑄造羅漢一軀永充

充字供養乾德三年十月

行書七行三十字高四寸廣五寸

五分未行月字漫滅

□□□□副使楊柳堤爲資薦父世□造羅漢兩軀永爲
供養時乾德六年五月日重修字修記耳正書七行三十六
字高五寸廣六寸

楊柳堤上疑似優字其名甚新異

□南口過尚儀王十二娘子鑄造阿彌陀佛一軀觀音菩
薩一軀□□前口願永充供養時甲戌歲十月日題記正書
五行四十三字高四寸廣二寸

右在石屋洞題名像側最夥茲就其可揭者得晉開
運十九漢乾祐一周顯德三無年月十八宋三案元
永隆新像記石屋自石晉天福年開山建院刊堅珉
爲瞿曇羅漢像凡七百餘尊知此刻五季爲多特皆

委巷小民所爲間有列銜如天龍軍容省承旨博古
家從無道之者亟爲錄出以廣異聞

後晉西關淨化禪院碑

□□西關淨化禪院記

闕 冲瑗撰 闕 通元大德□□遂徵書

大璞未雕性寂卽無其執我淳源旣泮情生遂有于成身

是以四相盛衰三界紛擾本師世雄哀其顛墜憫彼輪迴

懸巨缸而燭幽運廣筏而濟溺立善樹福皆爲方便之門

舉手低頭盡是可歸之路淨化院者卽鑒諸道者之所建

也道者永嘉人受業於仙峯護國靈應禪院彌年苦節早

歲勤身著頭陀龕傲之衣脩菩薩利樂之行逢緣必作隨

處立功建濠河津要之

橋

梁脩府郭壅狹之岐路

登臨憚

廟中之靈宇宵奉罔穹前之淨地其於運力供僧重言化

俗苟有一善利於人曰樂無不爲乃曰國土民安君王信

何足雲水烟

霞

之象曰

既蒙

孟錫之遊其間或有幻相無

情塵緣

將盡百衲之衣何直周身之具奚求爰

尋

佛言備

得教

旨且西土苾荔苾荔尼下至優婆塞優婆夷

送往之

禮名以闍維闍維之文寔火化也棄餘灰於遠水免遺骨

於他山牢無

煩人置不有

地卽具以上事達于

廟朝荆佛

祠于湖山

思祈爲功德主

上曰

六度門中嘗聞喜捨八福

田內屢建

津梁

勤王早立于

大勲奉佛素

崇

于至

信聞是

善也析

然在懷遂奏勅與請置其所乃於鎮西關之右延

壽山之陽

郭郭

匪遙柴水甚便命開基地式建僧居

聖上

允俞

賜名淨化闍維之道興

于此

焉由是

荒闍勲臣

香

聞貴戚府郭君子闍闍

信人發心

無難捨

之財集事有

易成之力

像設畢備舍宇一

周香燈含晝夜之輝鐘

磬續

晨昏之韻仍于院側立此方

壇或願闍

維不計來衆資其

事用給以薪蒸利濟之門

無大于此將欲紀錢不

朽刊勒

貞珉海濶山高

莫並有爲之福

毫枯墨竭難書

無盡之功

時開運三年歲在丙午二月十日記

右碑在西湖烟霞嶺水樂洞額題篆書西關淨化禪

院新建之記字徑三寸文二十二行正書徑寸碑已

磨滅惟咸淳志載其全文今爲補書于旁志云水樂

淨化院吳越王建後廢額徙于南山石塢孝宗以其地賜李肅因重建佛宇發土中得錢氏時寺記龕置巖石間咸淳三年令太傅平章魏國公修復水樂勝槩迺爲葺治寺宇還其院額之舊据此可識碑之興廢烟霞嶺古名延壽山惟見於此碑中撰書人名咸淳志及西湖志皆不載細辨拓本首行撰字上有冲瑗名書碑者則通元大德口口遂徵也

後漢大慈山建幢殘刻

謹慕崇信奉爲先

下泐

龍華寺主慧光真覺大師建立石

塔壹所并碑壹厂具錄入口男女弟子姓名

下泐

首二行泐

曹州凌

下泐

堅王

下泐

潘逢

下泐

口聳口口八娘張十

娘周十娘聞十一娘翟四娘口十娘口五娘口口娘凌十
娘錢明吳承安吳詢吳五娘李口口口口口沈口昭王七
娘任口口鄒十二娘施口娘下泐周口口陶德安張口口
口口口口口何口陳燔此後尚有八行字不可辨

首二行泐

金地口口口弟子臨壇大德口口口口志光

時乾祐二年歲次己酉七月壬寅朔十一日壬子建立知
口事小師口口同勾當小師繼貞都勾當小師崇善大德
口口口繼口

右刻在虎跑寺正書徑四分首刻金剛畫像文有龍
華寺主慧光真覺大師建立石塔壹所并經一口云
云當卽指天福八年所建經幢也後列施錢男女題

名大半殘缺

後漢朱知家鑄觀音像贊

此上系銜泐去一
二十字不能記

大夫朱知家發心捨淨財鑄寫觀音自
在菩薩尊像一軀并裝彩龕室等因而讚曰大聖觀音身
現塵刹隨聲響應咸見菩薩了茲寶相孰不解脫善哉淨
信本惠清豁命乎郢手倚巖鑄割水月現前儼然生活巍
巍乎非常名焉公善達分而深遠

唯願以此功德上報四恩下霑三有自身及見生眷屬與
法界有情同迴向無上菩提世世常得見佛見菩薩常生
淨土早成妙果永充供養 乾祐三年歲在己酉九月十

四日記

右讚在石屋洞摩崖文九行行書徑四分西湖志所錄無末二句又郢手訛鄙手年月上記文亦失書

後周滕紹宗造像題名

當山清信弟子滕紹宗□□右□敬捨淨財于石室內鑄造彌陁□尊觀音勢至休伏爲自身恐有多劫冤懃今生故僕伏願□不□之勝因滌累劫之債濫時廣順元年歲次辛亥四月三日鑄記

右造像題名在靈隱飛來峯摩崖文八行右行正書徑六分案靈隱山洞內外鑄列佛像大小無慮千數大抵皆五代時所爲每像之旁皆有題字此其一也至元周伯琦理公巖記所言元帥伯顏載礮巖石爲

十佛及補陀大士之像則皆製作精巧不若此之古樸矣

後周舍利塔銘

弟子夏承原并妻林一娘闔家眷屬

捨淨財鑄真身舍利塔兩所恐有多生

罪障業障並彫消除承茲重

善彫往西方淨土戊午顯德五年十一月

三日記

右舍利銅塔在蕭山祇園寺博五寸高七寸凡三層
下刻諸天菩薩番蓮寶樹上作四脫角蟲起圓四天
王子裏向而外及四面像與下層等記凡五十九字

眷作眷願作彫靈作雲彫字與今草書體近雲从王
合說文夏承原無所考舊志謂寺中軀塔四方塔二
爲梁岳陽王蕭詧造圓塔二爲吳越監軍節度使渤
海公造今銅塔寔出方塔中足徵舊說之訛

吳越武肅王排衙石詩刻

巒峭拔鳳嶺穹□□□苑右之址□□□□之地
而貞松闢華瑤□秀而□直□歌往日□建靈□□□
院陳三元之醮禮展四□之□□□□□□□□乃
□香□□鋪□窄狹求見□□□□□□建國之後將
□□□□□□之宮酌□□□□□□之恩答□□□
□□□□□□開巒□填補□基其功卽出自□行其□

右詩刻在錢唐縣鳳凰山排衙石上前刻詩序十行
行書徑一寸文多磨滅序後一行僅存王字當是武
肅系銜詩則七言八韻共九行十六句上半截亦闕
按咸淳臨安志云舊傳錢武肅王鑿山見怪石排列
兩行如從衙拱立趨向因名排衙石及刻詩石上卽
謂此也惜其文未載十國春秋云武肅暇時命諸子
諷誦詩賦或以所製詩賜丞相將吏亦間能書寫書
墨竹然不以咕嗶廢正務是武肅性耽吟咏此刻可
以窺見一斑其書亦剛勁有法度

吳越海會寺經幢

佛說千手千眼觀世音菩薩廣大圓滿無礙大悲真言陀

羅尼經

經文不錄

當使早以訓齊兵旅講武家山爲國爲民摧兇弭寇繼平
蛇豕以靜江南累蒙七帝酌恩功歸第一以至雙封兩國
連統三壇爲明代之父師帥天下之兵柄唯以上尊天地
次敬神明興三教之慈宗建六通之法宇乙亥歲暫歸故
里遍集勝因以功臣山之奇峯爰崇禪室觀竹林寺之湫
隘重構蓮宮半載之中莊嚴俱畢皆選淨名長老各爲住
持冀廣善牙常資妙覺昨以寺院功畢金像周圍特于殿
前建立千手千眼大悲真言經及守護國界主陀羅尼經
兩幢充揚勝事所冀珠緘寶偈覩者生緣步影飛塵霑者
獲善而以福均土地光蔭鄉園克茲先遠松楸共泰錦城

軍俗以增幽顯利等恒沙時寶大元年歲次甲申五月一日天下都元帥吳越國王鏐建

佛說守護國界主施羅尼經

經文不錄後記文年月全前

右二幢在臨安縣西二里海會寺前嘉慶元年何夢華訪碑至此始拓得之二幢東西相對制極雄偉石高六尺二寸八面周廣八尺八寸一題千手千眼大悲真言每面十四行正書徑八分一題守護國界主施羅尼經每面十五行正書字徑八分二幢皆有武肅記文一篇末行題天下都元帥吳越國王鏐建十一字字體更大書徑一寸八分宋蔡襄海會寺記云海會寺梁大同中始作號曰竹林及五代正明之初

錢吳越王又新之王縣人也少嘗徃來里中困甚已而跨有全吳名貴地大私自省所從來豈非有陰相我者邪且竹林最得山水佳處因大治之益廣前制當是時吳中浮屠居雖百千數無是倫者大中祥符寺例易天下寺名遂錫今額

記文今見咸淳臨安志

然則武肅

王以桑梓故里念神功重新梵宇更選浮屠蔡端明記文與此幢記甚合而吳氏十國春秋諸國營建佛刹無不備書且分注記文於下獨此二幢反從闕畧殊所未解吳越改元始于梁開平二年此刻題寶大元年甲申歲爲後唐莊宗同光二年歐陽五代史溫公通鑑亦書於吳越改元只載寶正一號得此可補

史家之闕

吳越錢鏐題記

鏐自庚辰載領郡於康樂巖重剏亭臺遍植花柳兼華蓋山畔建置菓園□□□□添奇章時甲申歲清明日彭城輔軒記以示後來

右刻在永嘉縣積穀山麓謝客巖文六行篆書徑四五寸不等郡縣志載鏐爲武肅兄咸通問領郡事曾於西岑建瑞鹿寺此題甲申者乃咸通五年也元按十國春秋鏐字輔軒爲英顯王錢寬幼子武肅之胞弟也生時受武肅鞠育恩及武肅薨請服通喪以報之多藝善繪畫尤精音律承制累授溫明二州刺史

文穆時除兩浙行軍司馬尋改本州團練使順化軍節度使封楚國公開運二年卒年五十五謚曰忠簡據此鐸當生於唐昭宗大順二年武肅於乾寧二年從石鏡將董昌討王郢之亂時年二十四則長於鐸十九年矣若依志乘所載上溯咸通其時武肅尙未生焉得有弟領州郡之事是鐸任温州刺史在武肅建號改元之後庚辰爲天寶十三年甲申爲寶大元年今臨安海會寺經幢稱寶大元年歲次甲申是其證也

吳越武肅王開慈雲嶺記

梁單闕之歲興建龍山至沿灘之年開慈雲嶺使建西關

城宇臺殿水閣今勒貞珉用紀年月甲申歲六月十五日
吳越國王記

右刻在西湖慈雲嶺山石壁文八行篆書徑三寸餘
碑首題梁單闕之歲蓋興建龍山始於梁貞明五年
至是又開嶺建西關城宇等已越數年故溯其事而
並記之十國春秋於天寶十三年失載建龍山事甲
申歲爲吳越寶大元年武肅私建國號有天寶寶大
寶正三號其時但行之於境內後奉中原正朔皆諱
而不稱故石刻中有書有不書今臨安海會寺經幢
書寶大元年歲次甲申武康風山碑書寶正六年重
光單闕歲是其建元之明證獨天寶一號未見石刻

然復齋碑錄輿地紀勝皆備載之予故於錢氏諸碑
不書中原國號者皆冠以吳越二字附于寶大寶正
之列洪筠軒云赤城志法會院吳越寶正三年建祇
園院吳越寶正六年改吳越年號亦所在有之

吳越投龍簡文

大道弟子天下都元帥尚父守中書令吳越國王

錢鏐年七十七歲二月十六日生自統制山河主臨吳

越民安俗阜道泰時康市物平和遐邇清宴仰自

蒼昊降祐大道垂恩今則特詣洞府名山遍投龍簡恭陳

醮謝上答

元恩伏願合具告祈兼乞鏐壬申行年四時履歷壽齡遐

遠眼光明家國興隆子孫繁盛志祈元祝允協投誠
謹詣太湖水府金龍驛傳於吳越國蘇州府吳縣洞庭
鄉東臯里太湖水府告文

寶正三年歲在戊子三月丁未朔二十六日壬申投

右吳越投龍簡文高六寸廣五寸以銀爲之四周以
龍雲爲飾正書十行 國初土人獲于太湖包山之

下當時所謂水府也按投龍始見于唐趙居貞有投
龍文西湖龍井有赤烏銀碑疑亦是舉唐宋以來遂
爲道家故事金簡玉印踵事侈張大約旱潦之醮居
多此則以道泰時康投龍醮謝後有寶正紀年亦改
元之一証

吳越金塗塔二種 鐵塔附

吳越國王

吳越國王

錢弘俶敬造

錢弘俶敬造

八万四千寶

八万四千寶 保

塔乙卯歲記

塔乙卯歲記

右吳越忠懿王金塗塔高六寸三分重三十六兩四
版合成外俱繪梵夾故事塔內一面正書四行十九
字下有一人字今得全塔下三面俱有保字人字本
爲桐鄉金比部 德輿 藏僅存一面故第言錢王造耳
保字本爲山陰陳總戎 廣寧 所得四面俱全惟闕其
剎因考表忠譜以金補之後歸大興朱相國珪聞已

貢入 天府矣元按乙卯爲周世宗顯德二年忠懿

承武肅餘烈保有東南稍得冥息故尤崇尚佛事近

聞海鹽張孝廉廷濟于武林市中又得鐵塔一其製

相同惟款識爲繡所蝕不見一字可知當時銅鐵並

鑄累萬盈千故至今日出不窮耳

吳越風山靈德王廟碑

新建風山靈德廟記

蓋聞天地氤氳之寒暑而滋品彙幽靈矜饗司土地而福
生民人神理在於相須顯晦期臻於感契雖先聖著難明
之說而禮經垂嚴祀之文爰自五運相承百王理化或以
勞定國或盡力勤王或利濟及于蒸民或口烈光于史策

並皆立嚴祠於境土享廟食于春秋而況江浙古口魚鹽
奧壤歷象則區分牛斗封維乃表裏江山昔年霸越強吳
今日雙封列國曠代之靈蹤不少前賢之廟貌實多寡人
自定亂平祿勤王佐命五十年撫綏軍庶數千里開泰土
疆四朝叠受册封九帝拱扶宗社改家爲國興闢江南一
方偃息兵戈四境粗安耕織上荷 元穹睠佑次翳神理
口持統內凡有往帝前王忠臣義士遺祠列像古跡靈壇
悉皆褒崇重峻於深嚴祀典常精於豐潔奠承靈貺同保
軍民其有風山

靈德王廟本像屬城近歸畿甸考諸舊記卽先是武康縣
風山又按史記云汪罔氏之君守封禺之山今屬吳興武

康縣稽立廟之初則年華渺邈詳圖謀之說則詞理異同
唯有元和年再構簷楹見存碑記彼既已具敘述此因不
復殫論聊書制置之由直述旌崇之意丙戌年春寡人以
玉册登膺於典禮 清宮未展於嚴煙遂輟萬機暫歸錦
里尋屬節當炎暑猶未却迴都城此時□□□□□□□□
□□□陸仁璋佐國□□□□□□□心縣扈從徧祝靈祇
以風山

靈德王昔年因舉兵師會陳禱祝無虧響應顯有感通遂
懇惻告虔許崇堂殿泊清秋却歸都城披觀奏陳既忠誠
感動神明行褒贈先酌靈貺次乃親分指畫委仗腹心按
山川展拓基堦順岡阜增添爽塏形勝並皆換舊規模一

槃從新居中而殿宇崇巖四面而軒廊顯做周迴戶牖

砌塔堦構之以杞梓榭楠飾之以元黃丹漆外則浚川源

之澄澈內則添竹樹之青蒼至于廣厦空三字神儀崇軒侍

衛車輿僕從帳幄簾櫳鼎餗庖厨邊籩器皿請福祈恩之

所獻牲納幣之筵並極鮮華事無不備丙戌年八月二十

四日起首至其年十一月畢功土木皆是精新禮祀嘗嚴

豐潔仍展牲牢簫鼓慶樂迎空三字神耀威靈而萬古傳芳

標懿號而千秋不朽一則酌忠臣之啟願二則答陰隲之

口扶唯冀空三字明神永安締構稟元化而同垂恩福鎮

土疆而廕護軍民保四時風雨順調口口山河口口永絕

天災地沴常歡俗阜時康口平煥乎美矣盛矣今則功用

既就良願已酌因勒貞珉聊書撫實所貴後來賢彥知子
精敬神明不假繁文祖記年月時寶正六年重光單闕歲
爲相之月二十有三日記

天下都元帥吳越國王

右碑在武康縣東風山麓廟額篆書新建風山靈德
王廟九字徑二寸五分文二十六行行書徑一寸二
三分不等末行天下都元帥吳越國王九字較大紀
元通譜云錢鏐私改年號于其國後子孫奉中朝正
朔漸革元事及錢俶納土凡其境內有石刻僞號者
悉使人鑿去之今碑中寶正二字及都城寡人等字
皆經錢刻字蹟猶隱隱可辨也錢幸楣少詹云爾雅

釋天云七月爲相此題爲相之月必七月矣吳氏十國春秋載寶正六年冬十一月重建防風山靈德王廟成王敕撰廟記卽謂此碑但記文明言丙戌八月二十四日起首至其年十一月畢功丙戌者寶正元年以八月興工十一月告成洎辛卯歲立碑相距已五載吳氏謬以立碑之年爲廟成之年又誤以相月爲十一月皆攷之未審爾史記汪罔氏之君守封禺之山裴駟引韋昭曰封封山禺禺山在吳郡永安縣又云駟案太康元年改永安爲武康縣今屬吳興郡今風山在縣東二十里廟在山下風封同音殆卽韋注所謂封山也

吳越寶正甄

右甄長九寸五分厚一寸二分文曰寶正六年二月

造七字橫列甄爲嘉興沈氏歲據張氏

燕昌

拓本錄

之洪筠軒頤煊云吳越甲申歲改元寶大丙戌歲改

元寶正是寶大止二年寶正七年而武肅王鏐薨

吳越天竺寺經幢二

佛頂尊勝陀羅尼經序

序文不錄

佛頂尊勝陀羅尼經

經文不錄

尊勝陀羅尼石幢記 光文大德賜紫沙門彙征撰

夫立幢之垂範乃造塔之濫觴刊梓刻檀嫌其易朽鏤金鑄碧慮以難藏不若挺叱羊射武之貞姿編貫玉聯珠之

梵宇可大可久如山如河尊勝隨羅尼者花藏真心竺軌
秘語濟善住七山之苦道闡欲天感文殊一現之恩教傳
漢地舟橫業海車指迷津息肩惡道之間提耳昏衢之內
拯湮淪於歷劫延短折於浮生備載靈編久彰神應或置
麗譙之內或安宰塔之中或勒在幢間或表之山上風觸
而輕塵及物尚落罪花日臨而清影到身猶凋業蔓克營
盛事綽有善人佛弟子吳保容吳鏗雙驥標奇二龍並舉
墳篋合韻樹萼連芳耨情田而畢使豐登澄心水而無令
混濁與會首謂衆人曰給孤長者之園苑香山居士之林
泉可以同構善門寄茲勝地獨營則其力不迨衆辦則厥
功易成遍募信人獲錢三十萬購之貞石命彼良工鑿勒

精奇磨礱細麗蓮花捧日雲葉繁空層層異狀奇形宛如
飛動面面真軀聖相忽謂經行仰窺鶴表以爭高側視雁
層而竟巧固可利需 家國福贊 君親凡施資財皆列
名氏承有爲之善力至無作之真歸其次滯魄孤魂銜冤
負累應念而皆期解網有心而悉使登車雖引善以及人
終獲報以于己命愚序述式紀歲時染逸少之鹿毛摘子
雲之垂篆文質苞羞於君子辭華有覲於外孫且曰昔也
鐵塔傳芳聞諸河朔今也石幢歲事見之浙陽彼則受福
於人寔此則擔心於佛道以今況古一何遼哉時乙未歲
冬十有二月壬寅朔十一日記

上闕數十字

錢師勇保安 都會首吳保容吳鐔等謹慕

衆緣保安

吳越國王造

會首陳暉施仁謙阮容郎安陸承謙戚稠章可徵聞人口
唐伯訓吳仁紹錢德安顧敬賢洪允韜吳延慶施仁口許
漢規嚴可口吳安吳保安 隨使當直廂虞候將作院副
將夏承裕捨銅鐸并火珠 造幢都料陸璠陶仁福 鑄
幢人沈口 勾當人長直都都子虞候錢琛 徒弟僧景
雲都維那僧景安典座僧景崇首座僧彥昇都當勾五百
羅漢院主沙門惠賓 供使衙書寶幢手殷承訓

右二幢在西湖上天竺寺門石高三尺九寸八面周
廣四尺八寸每面正書九行字徑五分經文幢記及

年月人名兩幢並同惟左幢題供使衙書寶幢手殷承訓右幢題書幢記僧義周吳保容吳鐔題名上又有錢師勇名銜中隱隱辨食邑口百戶字似爲後來鑿去者其名下保安二字及末行吳越國王造五字字體較大碑中朽作朽標作標鶴作鶴幢作幢皆訛體別字募作慕則自漢以來碑刻多如此其稱乙未歲乃後唐廢帝清泰二年文穆王嗣位之三年也吳延慶當是延福延爽之弟沙門彙征十國春秋稱其善詩文有集七卷忠懿王時命爲僧正賜號光文大師

吳越崇化寺西塔基記

吳越王長舅鄭國公吳延福載興塼塔二所香泥木石爲此鐵基厚二丈餘其固若山他日製爲請無疑也

唐下元戊午年七月二十八日

勾當并結塔僧契莊

勸緣僧延祝

右碑在蕭山縣祇園寺文正書八行字徑一寸嘉泰會稽志祇園寺在縣西北晉咸和六年許詢捨山陰永興二宅建寺號崇化治平三年改賜今額吳延福爲吳越文穆王恭懿夫人之弟宋史吳越世家云建隆元年俶舅寧國軍節度使吳延福有異圖左右勸俶誅之俶曰先夫人同氣安忍寘於法但黜延福於

外終全母族史不言鄭國公之封畧之也唐下元戊
午爲周顯德五年忠懿王嗣位之十二年錢辛楣少
詹云遜甲三元術以唐興元元年甲子爲上元會昌
四年甲子爲中元天祐元年甲子爲下元戊午乃下
元甲子之第五十五年泝其始而言故云唐下元也
今虎邱石幢題下元甲子顯德五載龍集戊午雖以
顯德繫年仍冠以下元甲子亦同此例

吳越吳延爽造石羅漢記

口口都指揮使銀青光祿大缺右僕射口海縣開國男食

缺吳延爽捨三十千造此羅漢缺

右刻在西湖烟霞洞內石羅漢側文三行正書徑五

分咸淳臨安志載晉開運元年有僧彌洪結庵洞口
遇一神人指此山後有聖跡何不顯之洪尋至山後
見一洞內有石刻羅漢六尊洪既卒吳越王錢氏夢
僧告曰吾有兄弟一十八人今方有六王可聚之夢
覺訪於烟霞洞有六羅漢遂別刻一十二尊以符所
夢云今得此刻知當日亦是募衆緣而成非出吳越
王一人之力也諸像皆有題字磨滅不全惟全此三
行側面向裏須秉燭方見也吳延爽乃延福諸弟十
國春秋稱文穆恭懿夫人兄弟五人僅載吳延福爲
寧國軍節度使餘皆不及武林梵志載吳越相吳延
爽建崇壽院應天塔今按此刻知延爽官都指揮使

其云銀青光祿大夫右僕射口海縣開國男者乃當日所加勲銜未可據以稱相也

吳越吳延爽造塔記

缺爽爲觀此山上承角亢缺第一級圖八會功德像缺感

應舍利仍建舍缺乃大塔右盤石之缺其塔缺

右造塔殘記僅存三十四字正書徑六分許乾隆已

酉年仁和趙茂才坦得於西湖保叔塔下西湖志載

吳延爽請東陽善導和尙舍利建九級寶塔於崇壽

院塔後有落星石武肅時封爲壽星寶石山十國春

秋引武林梵志云吳越相吳延爽於崇壽院內建九

級浮圖名應天塔延爽疑卽延福諸弟也子按爾雅

釋天壽星角亢也此刻有爲觀此山上承角亢語正
與武肅封號相合其爲造塔時所撰碑記無疑

吳越煙霞洞石塔題名

副僧官延慶

右在第二層左側柱間

□□楊仁□

右在第三層正面柱間

□使施泰

右在第四層正面左柱

郡君□□□□

右在第四層正面右柱

都指揮使吳延爽

右在第五層正面左柱

杜承誨

右在第五層正面右柱

蘇昇

右在第五層右側柱間

指揮使徐蟠

右在第六層正面左柱

縣君盛氏八娘

右在第六層正面右柱

楊仁口

右在第七層正面左柱

沈七娘

右在第七層正面右柱

塔左壁題名

□□□ 施弘□ 蔡從暉 范德□ 沈德 李仁志

蔣□ 陳□ 雷□ 胡□ 周□ 朱□ 錢金 □

□□ 以上第一列

沈行超 金仁泰 □□□ 褚□昭 楊□ 周超

滕□ 襄□ 陳太 沈車 周忠 錢□ □□□

□□□ 以上第二列

□□□ □□□ □□□ □□□ □一娘 朱□

娘 梅二娘 陸□娘 莫二娘 李八娘 孫□娘

周六娘 程六娘 □□□ □□□ □□□ □□□

□□□□ 倪□娘 □□□ □□□ 以上第三列

第四列至第七列全泐

□□□ □□□ □□□ □□□ □□□

□□□ □□□ □□□ □□□ □□□

□□□ □□□ □□□ □□□ 華六娘 以上第

八列

田暉 陸本 李德文 程泰 王勤 陳濤 □睢

□支 何神 □□ 陳詮 高邦 李綜 陳安 徐

□ 萬超 顏睢 金□ □□ 以上第九列

陶皓 陶安 王皎 口珊 賈榮 李言 婁口 蔣

寶 張口 吳盛 董增 王珪 邵燦 錢安 口曠

費陳 管南 張口 陸言 以上第十列

口口 王榮 薛福 孔瑄 金暉 范瑄 陳彥 顏

欽 徐周 費珀 余福 劉萃 盛邽 余爽 魯榮

黃金 雷珂 口欽 陶紹 口口 以上第十一列

潘口 胡志 韓陳 陳木 王邽 張鄴 褚澤 湯

鄴 戚謙 申成 吳福 周威 李玠 唐安 范福

唐口 張慶 林禧 董球 以上第十二列

口口 王寶 王全 賀榮 金皓 李泰 唐泊 沈

榮 李口 沈張 諸福 薪瑋 吳支 沈睦 棚訓

林 戴及 鄭口 薪規 曹口 張口 以上第十三列

郭口 韓綰 王後 盛脩 茅成 薪 徐詮 安

保 吳瓌 葛口 張口 口口 李約 陶安 邵太

吳瓌 張太 孫求 駱詮 周則 吳口 口皓 口

口 以上第十四列

口口 口口 俞口 王猛 熊周 黃安 凌作 周

訓 王元 周頽 王德 丁彥 余握 陳訓 沈起

沈仁 陸思 孫口 王鍾 徐口 許口 口安 口

口 以上第十五列

口口 王昌 趙洪 潘成 許口 顧進 口口 蔣

□ 范□ 金□ 金福 吳□ 朱□ 金永 □□
王□ 薛安 章立 □□ 陳□ 徐□ 呂太 以上
第十六列

趙□ 吳訓 楊言 □□ 黃榮 □□ □□ 金

太 □□ 徐女 沈珮 金□ 徐□ □□ □□

□□ 胡益 □□ □□ □□ 以上第十七列

□□ 俞文 俞□ □□ 徐安 □安 □□ □□

□ 鄭□ 王福 □□ 范□ 徐□ 沈□ □□

□□ □□ □□ □□ □□ □□ 以上第十八

列第十九列全泐

□□ □□ □□ □□ □□ □□ 王仁保 高榮

丁彥 吳君如 □□ 李章 張仁皓 臧泰 何仁

柔 以上第二十一列

□□ 金安 朱侶 胡彥超 楊承旭 蔣承超 李

景□ 滕仁福 委師節 童敬思 何超 喻仁□ 以

上第二十一列

張□ 余阮 宋紹榮 余德 姜□福 黃輝 趙從

□ 王仁皓 謝仁詮 孫德全 何承朗 黃承泰

殿信榮 以上第二十二列

郁仁超 黃□ 黃□ 李宗 葛遇 尹暉 曹安

□超 徐彥興 □□温 羅德瑾 孟仁□ 陳□

□□ □□ 以上第二十三列

盛師貞 管濱 鄭□ □承訓 □暉 顏從遇 戴
福 王洪宜 朱廷晦 □□ □□ □□ □□ □□
以上第二十四列

□□ 姚德□ 王承俊 王知訓 王知讓 李招
俞仁福 戴仁皓 曹袞 徐□安 宋德昭 以上第二
十五列

倪安 徐續 沈超 徐彥興 陸彥和 陸□□ □
□ 曹從□ 羅承福 □□ 李□ 以上第二十六列
胡德安 □滿 葉武規 倪光□ 倪福 □□ 安
燾 邱詮 陸□章 吳綽 陳君□ 以上第二十七列
□□ 黃晟 韓武 □□ □□ □榮□ □□

王仁通 □□ 以上第二十八列

千人功德百錢 下缺

吳□□ □□ 薛榮 □□

□□ □□ 朱□ □章 胡仁□ 胡仁德 □□

以上第二十九列

塔右壁題名

□□ □□ □□ □□ □□ 徐德 □□ □□

□□ □□ □□ □□ □□ 王□ 李□ 陸□

□□ □□ □□ □□ □□ 以上第一列

□太 賈□ 周□ □□ 李□ □□ □□ □□

□□ □□ □□ □□ □□ 李□ □□ 以上第

二列

□□ □□ 吳□ 吳□ □□ 陳□ 張福 □

□□ □□ □□ 菜□ 吳裕 孟訓 □□ 盛□

周德 張□ 宋泰 □□ 以上第三列

王泰 徐□ □□ 祝欽 □□ 吳恭 賈□ □

□□ □□ 施安 王言 陳□ 徐□ 曹□ 張□

徐泰 □□ □□ 楊□ □福 □□ 以上第四列

□□ □□ □□ □□ 張□ □□ □□ □

言 張□ 徐□ 章□ □□ □□ 魏□ 錢武

徐言 李安 金士□ 陳祀 常□ 羅瑄 王□ 以

上第五列

□□ 金□ □□ □□ □□ 陳□ 陳□ 陳

可
行
二
三
吳
處

□ □ □ 吳 □ 朱言 范 □ □ 達 □ □ 徐 □

□ □ 沈 □ 顧 □ □ □ 臧遇 姚遇 以上第六列

周 □ □ 珂 王 □ □ □ 沈 □ 鄭 □ 徐 □ □

思 臧 □ □ □ □ □ 沈榮 周遇 張 □ 張 □

計格 王 □ 王泰 邵德 簡 □ 以上第七列

□ □ □ □ □ □ □ □ □ □ □ □ □ □ □

珩 □ □ □ □ □ 朱 □ □ □ □ □ 吳 □ 邱 □

董 □ □ □ 以上第八列

□ □ 陸金 王超 范泰 □ □ 張 □ 朱岳 □

□ □ □ □ □ □ □ □ □ □ □ □ 姚保 馮

全 □ □ □ 以上第九列

□□ □福 胡□ □□ 王皓 王德 金□ 金

□ 程□ □□ □□ 林□ 陳達 □□ 陳泰

虞□ □□ 以上第十列

馬□ □□ □□ □□ 徐□ 陳□ 徐彥 沈

□ 吳安 陳□ 陳□ □□ 朱□ 徐□ 李福

陳安 □□ 以上第十一列

□□ 陳福 陳□ 李□ 褚□ 章□ 沈□ 王

□ 鈕□ 徐□ 韋謙 □□ 蔡□ 王珣 談福

□□ 以上第十二列

□□ □三娘 □□娘 □□ □□ □□ □□

□□ □□ □□ □□ □□ □□ □□ □□

□ □ □ □ □ □ 以上第十三列

□ □ □ □ □ 四娘 朱允娘 錢五娘 胡六娘 張六

娘 □ □ □ □ □ □ □ □ □ □ □ □ □ □ □ □

□ □ □ □ □ □ □ □ □ □ □ □ □ □ □ □ 以上第

十四列

□ □ 娘 蘇七娘 倪十娘 林十七娘 □ 一娘 吳

十二娘 張十一娘 章十四娘 □ 四娘 毛六娘

江四娘 徐七娘 楊三娘 范八娘 姚六娘 以上弟

十五列

李廿一娘 沙 □ 娘 張七娘 徐二娘 李五娘 孟

一娘 周十二娘 □ 二娘 李三娘 王四娘 葉四

娘 李八娘 吳二娘 陸四娘 □□□ 以上第十六列

□十娘 □□娘 賈三娘 □八娘 姚□娘 徐九

娘 賈一娘 韋五娘 五五娘 黃十五娘 童七娘

許一娘 金六娘 湯一娘 □□□ 以上第十七列

□七娘 嚴七娘 錢三娘 □□□ 沈四娘 □二

娘 □十一娘 馮九娘 高七娘 張二娘 王二娘

□八娘 金六娘 沈七娘 趙一娘 以上第十八列

□□ □□ 王安□ □德 胡□ 俞超 徐逢

□賓 金□ 金承福 周從□ 周仁泰 吳詢 包

德安 金□ 以上第十九列

□□ 朱彥□ □仁泰 □□□ 石□訓 黃□

潘仁□ 呂璠 □□ 黃□ 萊□ 聞安 石仁遇

蔣邦 □□ 以上第二十列

□□ □□ 崔仁敬 曹從□ 曹德□ 陳承規

李□□ 何彥□ 戚超 蔡希□ 唐汝詢 □知□

錢仁□ 錢仁保 桑□ 以上第二十一列

□□ 陸仁裕 □泰 陸邦 吳崇 柯俊 林遷

陳彥□ 戴超 □從禮 陳榮 □□ 以上第二十三

列

余知□ 吳□ 王師□ 鍾□□ 戴仁紹 □□□

陳彥□ 孫□紹 楊知質 □□ 朱□ 李承□ 以

上第二十三列

□□ □□ 王德□ □彥□ 湯□德 鍾暉 李

承□ 趙□貴 陳頊 王承泰 趙彥□ □□□

□□ 以上第二十四列

李□ 徐□□ 杜德□ 徐仁睢 何德□ 徐暉

陳思□ □仁遇 金福 楊珣 陶□ 金□ □□

以上第二十五列

□□ □□ 吳仁福 陸仁安 唐超 唐暉 喻承

德 □□□ 胡福 朱彥□ 朱□ 李□ □□ 以上

第二十六列

□□□ □仁紹 羅瓊 金承訓 李珣 □□□

○王□ 王寶□ 徐□ □□ 以上第二十七列

○俞□ 陳□ 吳榮 □澄 王順 李□ 葉

○□□ 郎□□ 黃□ 陳□ 以上第二十八列

○□ 李□ 胡□ 孫福 孫求 楊□ 朱皓 金

○□ 泰 □□ □□ □□□ 以上第二十九列

孫□ 沈璿 錢□ □□ 周□ 姚思 姚安 姚

唯 虞威 千人功德百錢 以上第三十列

右造塔題名在西湖烟霞洞內嘉慶元年冬何夢華
收訪南北兩山石刻親至洞口始爲拓得並疏記之
按此塔俗稱千官塔就巖石開鑿凡七層高二丈餘
製極精細每層門柱間皆系銜名塔旁左右兩石壁

列數百人衣冠整肅作禮塔狀肩側記男女姓氏皆
當時沽錢之人塔上有都指揮吳延爽名乃吳越文
穆恭懿夫人之弟洞內石羅漢亦有其題字是塔與
像同時並建咸淳臨安志載石像造於吳越間而未
及此塔是其踈畧至翟氏灝湖山便覽云洞口有千
官塔刻南宋諸臣姓名則謬之甚也

吳越殘經石刻

賢首菩薩以頌答曰

法王唯一法 一切無礙人

死 一切諸佛身 唯一法身

慧 力無畏亦然 如本趣菩提

得如是刹土

衆會及說法

莊嚴悉圓滿

隨衆生行異

佛刹與佛身

衆會及言說

衆生及能見

其心已清淨

如是明達人

於此及能觀

及以業果力

如是見差別

佛刹無分別

無憎無有愛

如是見有殊

以是於世界

一切如來

大仙之過咎

應受化者

常見人中雄

菩薩言佛子我等

妙

陽如

以上一列

系隆佛種發無上立

當願衆生

深入經藏

智慧如海

自歸於僧

當願衆生

統理大衆

一切無礙

受學戒時

當願衆生

善學於戒

不作衆惡

受闍梨教

當願衆生

且足威儀

所行真實

受和上教

當願衆生

入無生智

到無依處

受具足戒

當願衆生

具諸方便

得最勝法

若入堂宇

當願衆生

昇無上堂

安住不動

若敷床座

當願衆生

開敷善法

見真實相

正身端坐

當願衆生

坐菩提座

心無所着

結跏趺坐

當願衆生

善根堅固

得不動地

修行於定

當願衆生

以定伏心

究竟無餘

若修於觀

當願衆生

見如實理

永無乖諍

捨跏趺坐

當願衆生

觀諸行法

悉歸散滅

下足住口

當願衆生

心得解脫

安住不

若舉於足

當願衆生

出生死

每

普下裙時

當願衆生

整衣□□

□以上二列

右吳越殘經刻出于西湖雷峯塔下土中正書凡二

列共三十五行高一尺四寸廣一尺四圍殘缺按吳越王錢俶黃如塔記云萬機之下口不輟頌釋氏之書手不停披釋氏之興者蓋有深旨焉塔之成日又鐫華嚴諸經圍繞八面真成不思議劫數大精進幢于是合十指爪以贊嘆之此石應卽當時所刻兵燹之餘墮落復出耳字法歐率更而頗拙滯不必出善書手也

吳越造彌陀佛像記

上直都管軍都頭弟子周勢口欽謹發虔心捨淨財口西山靈鷲禪院製造彌陀石佛一軀所申意口口爲先亡考九郎亡妣魏氏龍氏亡三兄口口識資口口承泰亡

□□□娘□□娘□□娘亡姪承訓亡新婦秦二娘亡
孫子□□□願早生淨土各得起昇離苦解脫生前罪業
藉此雲銷沒後冤□□□解釋其功德今已相□□圓恒
□□□永充供養時己未建隆元年三月十九日記

右在飛來峯磨崖正書十一行行字不等高五寸廣
七寸又覆刻篆書皇帝二字于上字徑三寸五分毀
去數字按上直都管軍都頭是吳越時官又書己未
爲周顯德六年而建隆元年則庚申也是時尚未奉
宋正朔何由書建隆且字迹改鑿顯然必納土後補
收以己未庚申相近遂爾書之也今附吳越之末

兩浙金石志卷四 南海縣知縣卽補同知錢塘章 延刊
國學生布政司理問銜臨海洪瞻墉校